



UPA 2016/59
Justus Hansen
17 November 2016

Meeqqat atuarianni angajullit atuartinneqarnerini MMS imaluunniit nittartakkakut naapittarfikkut tamataqannigitsunik assinik avitseqatigiittarnermut tunngasunik paasissutissiisarneq eqqunneqarnissaannut Naalakkersuisut peqquneqarnissaannut aalajangiiffigisassatut siunnersuut.

(Inatsisartunut ilaasortaq Tillie Martinussen, Demokraatit)
(Siullermeernera)

Taguut Grooming taaguutaavoq, knguaassiutitigut atornerluisoqarsimatillugu nunami maani itisuumik suli oqallisigisimanngisarput, kisianni eqqarsaatigalugu meerartatta qarasaasiami naapittarfinni qanoq angitigisumik atuinerat, internettimik aamma qanoq qarasaasiamik atuinerannik nakkutilliineq mikitiginersoq, isumaqarpunga taaguutip itinerusumik eqqartornissaa aallartittariaqaripput kiisalu meerartagut tamanna pillugu ilinniartittariaqalerigut.

Grooming kanngutsaattuliortartut sakkoraat pitsaalluinnartoq, mittatiginiakkamik nakkutiginiarnerannit aamma sakkuuvoq kanngutsaattuliorfigisassat sorpassuartigut uukapaasiariniarnerani salloqittaariniarneranilu, arriitsunnguamik meeqqat inissikkiartuaarniarlugit kinguaassiutitigut kanngutsaattuliorfigilinnginneranni. Pisussamut periuseq tamanna atorlugu meeqqat inuusuttullu nukittugaluartut ulorianartorsiortinneqalersinnaapput, kisianni meeqqat inuusuttullu sanngiitsut ulorianartumiittarput. Innersuussutigissavarput pineqartoq pillugu atuaqqullugu quppersakkami stopdigitaleovergreb.nu-mi imaluunniit googlerlugu "grooming". Red Barnet Danmark immikkut pineqartoq pillugu paasiniaalluaqqissaarnikuuvoq aamma neqeroorutigisarpaa inersimasunut, ilinniartitsisunut aamma meeqqanut inuusuttunullu atuartitsinissaq.

Grooming imaangilaq ingerlanneqartartoq taamaallaat qarasaasiami, taamaattumik isumaqarluarpoq tamatumap meeqqat atuarianni atuartitsissutigineissaa. Meeqqat qarasaasiamik iluamik atuinissaat kisimi ilinniartitsissutigineqarneq ajorpoq aammali grooming atorneqalersillugu ulorianarsinnaasut paasinissaat atuartitsissutigineqartarpoq. Arriitsunnguamik tarnikkut tiguaajartuuartoqartarpoq, tassani inersimasut meeqqat tatiginnilerittarpaatimaluunniit inersimasut meeqqat tatigisaat, arriitsunnguamik peqqusersiorfigalugit meeqqat salloqittaarilersarpaat uukapaasialugillu qularnaarumallugu meeqqat oqaatilliinnginnissaat, kanngutsaattuliorneq pingaangat, taamaattumik tarnikkut tiguaasarneq taamaattoq aseruilluinnarsinnaasarpoq.



Meeqqat arfineq-marluunniit qulinut ukiullit mobileqarput, spillerfinnik peqarput aamma internettertarput, taamaattumik isumaqarpugut internettimi nakkarfiusinnaasunik ilinniartitsisariaqartugut, ilanngullugu groomingimi periutsit, uukapaasiarinninnerit aamma pisut meeqqanut ulorianarsinnaasut - ukiui naapertorlugit paasiuminartumik. Ilinniartitsineq nukarlerni aallartittariaqarpoq pinnguarnelru aamma atorlugu ilitersuutigineqarluni, meeqqat inuusuttullu periarfissikkumallugit imminnut illersorsinnaalernissaminnut. Ajoraluartumik ukiukinneranni.

Meeqqat inuusuttullu meeqqat angerlarsimaffiit imaluunniit angajoqqaarsianut inissinneqarsimasut pisinnaatitaapput, ombudsmandip aalajangenera naapertorlugu, mobileqarnissaminnut. Tassa grooming annertuumik atuuppoq, perorsaasut aamma inersimasut meeqqat inuusuttullu eqqaanniittut amerlasuutigut susinnaanngisaannik aamma kanngutsaattuliortartut qanoq iliorsinnaasarput toqqaannartumillu attavigisinnaasarlugit inuusuttut sanngiilluinaqqissaartut.

Aamma nunani assersuuffigisartakkatsinni amerligaluttuinnarput meeqqat inuusuttullu qarasaasiami inuit naapittarfiini nittarsaaneqartartut imaluunniit takutinneqartartut atisaqaratik imaluunniit takutinneqartartut assit peqqusiileqinarsinnaasut atorlugit, qinngasaarneqarlutik, takutissorneqarlutik aamma pisut ilaanni imminnut takutissorlutik. Facebookimi eqimattanik arlalinnik peqalereerpoq inersimasut ilisimanngisaannik, isiginnaarfigineqarsinnaasunik assinik atisaqanngitsunik inuttalinnik imaluunniit meeqqat inuusuttullu assiinik paquminarsinnaasumik inisseqqasunik. Tassani imminnut nittarsaattarput imaluunniit allat assinik pissarsisimasut allanut nittarsaassisarput.

Meeqqat imminnut naleqartippiangitsut imaluunniit inersimasunut nattaqqallisaartumik attaveqartartut immikkut ulorianartorsiortarput qarasaasiami inuit naapittarfiini iluamik susinnaanngisaminnik. Ilaat kikkunnulluunniit attaveqarniartartuupput sunaluunniit attaveqarneq pitsaasutut isigalugu, allat peroriartornermini killissamikkut qaangiiffigitittarsimasuusinnaapput - aamma pissuseq taanna eqimattani nangiinnarneqarsinnaavoq imaluunniit namminermit taavalu allat ilungersorlutik malugeqqusaartuusinnaapput peqatiminnit aamma akuerineqarumallutik. Inersimasut meeqqanut asannilersoorsinnaasut, meeqqat inuusuttullu killinik qaangiisartut taamatut attavigineqarumik - qinngasaakkajunneqarlutillu - imaluunniit inersimasut kanngutsaattuliortartut arriitsunnguamik atoqateqarnissamut nuukkiartuaartartut - imaluunniit kinguaassiutitigut meeqqat inuusuttullu killiinnik qaangiartuaartartut, internetimiittuarput aamma qarasaasiami inuit naapittarfiinniittuarput.

Meeqqat inuusuttullu ilaat kisiannili amma allaat inersimasut, internettimi tamanut takusassiarineqarsinnaasarput, nittartakkani pornumik imalinni imaluunniit oqallittarfinni - akuersinikuunngikkaluarlutik, aamma ullumi. Meeqqat inuusuttullu ilinniartariaqarpaat assitik atonerlunneqarsinnaammata, assillu qarasaasiamiileraangata,



uterteqqinneqarsinnaajunnaartarput assillu taakku qaqugorsuarmulluunniit allanit takuneqarsinnaasussaapput.

Inuuneq aserorneqarsinnaavoq qarasaasiamik atuinermi iluamik sissuinnigikkaanni. Inuusuttut tatigisaannik assinik paarlaasseqatigiinneq imaluunniit akiniaalluni atoqatigisimasanik videolianik assilisanilluunniit allanut ingerlatitseqqinnikkut, tassani kingorna tamakku angutaatikuni arnaatikunilluunniit akiniaarusussusermik peqartunit nassiunneqaqattaarsinnaapput imaluunniit angutaatitaamit arnaatitaamilluunniit qarasaasiami inuit naapittarfiannut.

Meeqqat meeraapput aamma meeraasariaqarput taamatullu imminnut tulluortoq atoqatigeeriaaseq peqqisseqqinnikkut ineriartortittariaqarput inersimasunit takutinngat qajannarsinnaanertik atornerlunneqarlutillu.

Meerartagut inuusuttagullu piareersartariaqarput - aappa aamma inersimasut - uukapaasariinninnernik takunnissinnaalersillugit, qaangiilluni pissusilersuutinut aamma kanngutsdaattuliornernut.

Meeqqat kinguaassiutitigut atornerlunneqartartut amerlavallaarnerat unitsittariaqarparput.

Soorunami atuartitsinerme meeqqat ersiortinneqassanngillat, nukittorsarneqassappulli, iliuseqarsinnaanngortillugit inersimasut atornerluiniarsarileraangata aamma peqataanik paasitinneqarlunnaqqissaassapput kanngutsaattuliortifigineqartoq pisuunngisaannartoq, kanngutsaattuliortorli pisuusartoq, kanngutsaattuliortoqartillugu. Kisianni aamma oqaluttuunneqassapput imminnut illersussasut allallu, peqqinnartumik atoqatigiinnikkut ineriartornerminni.

Kanngutsaattuliortartunut akiuunnermi taasara periutsit ilaannaraat aamma nassuiaaneruvoq meerartatsinnut inuusuttatsinnullu killissat ersarissuusariaqarnerannut eqqartorlugulu atoqatigiittarnerup pissanganartortai - qularnaarlugulu sakkunik pissarsinissaat kanngutsaattuliortartunut kanngutsaattuliornermullu ilisarsisinnaanngorlugit, atoqatigiinneq eqqarsaatigalugu aammali nakkutigineqarnermut, naalagarsiortinneqarnermut qinnngasaarneqarnermullu.

Meerartatsinnut inuusuttatsinnullu kanngutsaattuliortoq kinaagaluarpalluunniit inuiaqatigiittut tamanna isigisariaqarparput pinerlunnerut, aap allaat atungartuussutsitsinnut tamarmut ulorianartorsiortitsisutut, inuiaqatigiinnut tamanut; inuunitsinnullu. Misigissutsikku aningaasatigut inuttulluunniit akissaqanngilagut meerartatta pinerluffigineqarneri takunnngitsuussallugit. Inuttut tigusariaqarparput. Inuttut tiguunissaa artornarpat taava nutaarsiassat siornani atsioqqasut atuakkit. Naatsorsueqqissaarnerni kisitsisit tamarluinnarmik inuttaqarput.

Taamatut oqaaseqarluta Demokraatini inassutigaaqarput manna siunnersuut ilalerneqassasoq aappassaaneerneqannginneranilu ingerlateqqillugu Ilaqutariinnermut Peqqissutsimullu Ataatsimiititaliamut.



DEMOKRAATIT
DEMOKRATERNE